



KOMUNIKADO PA PRENSA

Fecha
18 di mei 2016

Kolaboradó di Komunikashon
Jhanirha Da Costa Gomez

Email
jhanirha.anita@gobiernu.cw

SERVISIO METEOROLÓGIKO KÒRSOU TA SERA UN A KUERDO DI KOPERASHON KU E INSTITUTO NASHONAL DI METEOROLOGIA DI COLOMBIA.

Bogota - Durante di un seremonia na e Instituto di Hidrologia, Meteorologia i Estudionan Ambiental di Colombia (IDEAM) na Bogota, IDEAM i Servisio Meteorológiko Kòrsou, mihó konosí komo Meteo a firma un Memorandum Of Understanding (MoU) pa start un programa di koperashon. E direktor general di IDEAM, na nòmber di Colombia, a ekspresá su gratitut na Meteo i Minister VVRP pa e akuerdo di entendimentu aki. E akuerdo aki ta pa huntu desaroyá un koperashon bilateral kaminda e Servisionan Nashonal di Meteorologia i komunidatnan lo benefisiá di dje.

Durante e proyekto pa modernisá e radar di Meteo aña pasa, IDEAM a mostra interes pa nan por risibí e datonan di Radar. Esaki ta pa asina mehorá e vigilansha di wer pa e área na kosta di nortost di Colombia. Den e kuadro aki e direktor di IDEAM, Sr. Omar Franco Torres, a bishita Meteo i e facilidat di Radar na sèptèmber aña pasa durante di e inaugurashon di nos radar nobo.

Durante su bishita na Kòrsou, a sigui elaborá riba e koperashon ku por benefisiá tur dos servisio. E koperashon aki lo a enserá ku Meteo lo haña aksesu na entre otro kursonan, estudionan i proyekshonnan regional di kambio di klimatológiko ku henter mundu ta pasando aden, serka IDEAM.

E ophetivo di e koperashon bilateral aki ta pa halsa e kapasidat di monitoria di e servisionan nashonal di meteorologia. Di e forma aki, nos por ta mihó prepará pa redusí pèrdida di bida i propiedat kousá pa desaster natural. Pues, mirando e benefisionan mutuo pa Colombia i Kòrsou, a disidí pa establese un programa di koperashon riba e tereno di Meteorologia.

Den e kuadro aki Direktor di Meteo, Sr. Albert Martis, a bishitá e ofisina prinsipal di IDEAM na Bogota. E meta prinsipal di e bishita tabata pues pa firma e MoU i asina formalisá e Koperashon Bilateral. Mirando ku e aña aki e fenómeno di la Niña lo bai hunga un ròl, a hasi uso di e oportunidat pa bishita otro áreanan ku a wòrdu inundá den serkania di Bogota. A bishita entre otro e áreanan ku na 2011 áwaseru ekstremo a kousa inundashon relashoná ku e fenómeno klimatológiko di La Nina (2010-2011).

Minister Suzy Camelia-Romer den su afan pa sigui halsa e kalidat di su servisionan ta sumamente satisfecho ku e Programa di Koperashon aki. Minister Camelia-Romer ta spera ku dentro di poko pueblo di Kòrsou lo kuminsá mira e resultadonan di e proyektonan relashoná ku e programa aki



KOMUNIKADO PA PRENSA

Fecha

18 di mei 2016

Kolaboradó di Komunikashon

Jhanirha Da Costa Gomez

Email

jhanirha.anita@gobiernu.cw

*Riba potret: Direktor General di IDEAM , Sr. Omar Franco Torres, Direktor Meteo, Albert Martis
Konsegero di Minister, Sr. Kennneth Pieter. Konsehero Asunto Internashonal IDEAM, Sra. Diana
Quimbay Valencia*